


# U mio Mondu

11 fisce pedagogiche bilingue


À scopre u nostru territoriu  
è a so robba pastureccia



### L'ORIGINE DI L'ALIMENTI



- Prisentazione
- Pruposta d'attività
- Da andà più in là



## L'ORIGINE DI L'ALIMENTI

In Corsica, sò à a misura umana e splutazione agricole. L'agricultori pruponenu robba agricula bella diversa (cumpresa quella dati da a piscicultura è l'acquacultura), à spessu stampigliata : allevu, culture, robba trasformata ch'elli fussin.



### Scopi pedagogichi

- Identificà i lochi di pruduzione di a robba chì omu manghja

### Cumpetenze

- Cunnosce e caratteristiche di u mondu vivu, a so diversità

Si pò fà issu piattu cù materie prime di u locu ?

Quand'elli diventanu sidentarii i cacciadori cuglidori à u Neuliticu, cumencianu à cultivà a terra è allivà l'animali : hè u principiu di l'agricultura. Ötzi hè un omu preistoricu, scupertu in Italia in u 1991, cunservatu benissimu da u ghjacciu. L'analisi anu palisatu una currispondanza di geni chì si ritrova pè 20 % in u Meziornu di a Corsica. Si cunnosce ancu u so ultimu ripastu : biade, caccighjume (turicciu o capriolu) è frutti (mela salvatica, prugnule, bachi diversi). Stu menù s'assumiglia à quelli d'oghje, ancu s'ellu si manghja oghje di più carne d'allevu chè u caccighjume è u Prolagus sardus (u prolagu) chì si truvava à l'ingrossu in Corsica à quella epica.

Oghje, sò più diversi i menù, per via di i metudi di cunsirvazione. Cù l'elettricità è l'attrazzi elettronichi, si pò fà tante è tante sosule (da truvà in ligna), scaldà si un piattu purtatu pront'è fattu in casa, o un sacchittellu di risu, in trè minuti.

In i magazeni, si trova à robba da manghjà (trasfurmata o nò) à buzeffu. È puru, e **materie prime** sò sempre d'origine :

- **animale** : carne, pesciu, ovi, latte, casgiu, mele...
- **vegetale** : frutti, legumi, biade, piante aromatiche...
- **minerale** : acqua, sale...

Ùn ci smintichemu ch'elli manghjanu robba d'origine vegetale l'animali !

## Origine geugraffica

U pomu u ghjunse u Conte Marbeuf in Corsica. À Pasquale Paoli i so avversarii u cugnumavanu "Generale delle patate", perchè ch'ellu l'avìa fattu pone in l'isula. Sò sempre cultivate oghje.

Per via ch'elli sò diversi i paisaghji, in Corsica si pò fà l'allevu è l'agricultura cù numerosi vegetali. Per ciò, era prizzata assai l'isula : anu trovu 250 macine è cupuli da macinà e biade da a parte à Levante, à nant'à u Monte Lazzu, chì supraneghja a piaghja di u Liamone (epica di u Niuliticu) ; dicenu chì à l'Antichità, Aleria serebbe stata u granaghju di Roma. A cultura di u granu era stata abbandunata in l'anni 1960, ma in u 2006 un associu l'hà datu un soffiu novu, cù trè razze anziane ritruvate.

A pruduzione agricula corsa hè diversa assai è sò numerose e materie prime è a robba trasfurmata ricunnosciuta da Mediterraniu in là. Certe ùn bastanu da fà manghjà a popolazione, invece altre, tale a clementina di Corsica, sò spachjate in a Francia sana.

*Ùn hè tantu, ogni famiglia avia a so capra vicin'à a casa, pè u latte, o ancu u so mannanu ch'elli ingrassavanu nanzu di tumbà lu.*

## Lessicu

- **Alimentu** : robba da manghjà.
- **Turicciu** : bouquetin
- **Materia prima** : ciò chì vene da a natura, senza trasfurmazione.

## PRUPOSTE D'ATTIVITÀ

Guida di u maestru

### 1/ Cullucheghja l'alimenti induv'elli sò prudutti

Classa sana, da per sè o cù una persona maiò

Materiale : pancarta Paisaghju agriculu, magnets

Mette a pancarta à u tavulone cù sti magnets :

- u porcu davant' à e castagne (in sù, à manca)
- a pecura in u pratu (in ghjò, à dritta)
- a capra in a machja (da sopra)

Si mette da cantu quella di l'ape, è à i sculari li si dumanda di cullucà l'altri 26 magnets à nant' à a pancarta.



Pancarta Paisaghju agriculu cù i 3 magnets

### 2/ A cunnosci l'origine di l'alimenti ?

À gruppi, cù a persona maiò

Da seguità l'eserciziu 1 s'ella hè pussibile

- **Da induve vene u latte ?**

Da a munta di e pecure, di e capre, di e vacche.

- **Ni cunnosci altri alimenti ch'è venenu da l'animali ?**

*S'ellu hè statu fattu di modu cullettivu u prima exerciziu, pò esse una riferenza pè i sculari da risponde à a dumanda : tandu si mettenu i magnets à u listessu locu. S'ellu ùn hè u casu, s'ammentanu i so usi alimintarii.*

*U mele, a carne di vitellu, a robba purcina, u latte, u casgiu, u brocciu, l'ovi, u pesciu*

- **Ch'è robba resta ?**

I frutti, i legumi, l'oliu d'aliva, a farina castagnina.

- **Si pò aggruppà ?**


U mele, a carne ecc. sò robba d'origine animale. Da induve vene a robba aggruppata quì ?



## PRUPOSTE D'ATTIVITÀ

Guida di u maestru

Curretta di l'attività n° 1



## PRUPOSTE D'ATTIVITÀ

Guida di u maestru

### 3/U mo piattu preferitu

À gruppu, cù a persona maiò

Si lascia i sculari risponde di modu liberu, po li si dumanda di fà a lista di l'ingredienti di un hamburger-pomi fritti.

Si puderà prupone un tavulellu da classificà a robba secondu a so origine.

- pane
- carne macinata o pullastru
- casgiu
- insalata verde
- pumata
- cipolla
- salsa
- pomi/pomi fritti

### 4/ Fà a leia trà l'alimenti è a so materia prima d'origine

Da per sè, da fà ne a curretta cù a persona maiò



### 5/ Arriga l'alimenti chì ùn sò prudutti in Corsica

Da per sè, da fà ne a curretta cù a persona maiò

Illustrazione pruposte :

Patecca - Risu - Ananà - Clementine - Granu -

Cicculata - Banane - Ghjacciu - Sale



Tengu à mente :

U mele, u latte, a robba purcina, u casgiu è u brocciu sò robba d'origine animale.

I frutti è i legumi sò robba d'origine vegetale.

## PRUPOSTE D'ATTIVITÀ

Da u scularu

**1/ Cullucheghja l'alimenti induv'elli sò prudutti**

**2/A cunnosci l'origine di l'alimenti ?**

**3/Chì hè u to piattu preferitu ?**

Fà a lista di a robba chì ci hè in un hamburger incù pomi fritti

Alimenti	Origini	Fattu in Corsica

Preciseghja l'origine di st'ingredienti. Sò fatti in Corsica ? Quale i prduce st'alimenti ?

---

---

---

Tengu à mente





---

---

---



## 4/ Fà a leia trà l'alimenti è a so materia prima d'origine



## 5/ Arriga l'alimenti chì ùn sò prudutti in Corsica



Tengu à mente

## DA ANDÀ PIÙ IN LÀ

### Urganizazione di l'urtulani di Corsica

L'associu presenta a pruduzione urtulana isulana è prupone un almanaccu in ligna di i pruduzione.

maraicherscorses.com

### Surtite sculari

Si puderà andà ind'è un agricoltore, visità una splutazione pidagogica, un attellu di trasfurmazione, una panatteria ecc.

### Pone piante aromatiche

In un vasettu à posta o unu di iaurtu, si pò pruvà à fà cresce erbetti.

### Bibliuteca

BONE Emily, *Tout commence par une graine, ces plantes qui nous nourrissent*, Mon grand livre illustré, 2017.

### Crediti fotò

Pagine 1, 7 è 8 : fotò è illustrazione Canva, fora di i magnets di a pagina 7 : oliu d'aliva, farina castagnina, pumata, uva, capra, alive, castagna  
Pancarta Paisaghju agriculu : PNR

### Curretta di l'attività

1/ **Meli** : Bugnu

**Latte + Casgiu + Brocciu** : Pecura, Capra (ancu Vacca, puru s'ellu ùn hè u più sparsu in Corsica)

**Carne di vitellu** : vacca

Castagna + Farina castagnina : Castagne

**Robba purcina** : Purcellu

Zucchette + carotta + pomu + fragula + cipolla : terra + frundame à manca

Pumata + melizana : pali à manca

**Uva** : vigna daret' à u murettu

Alive + oliu d'aliva : 3 alive in mezu (ghjalline)

Mela di Basterga, Clementina, Pumelu, Ficu : arburi fruttiferi à dritta

2/A robba d'origine animale hè scritta in grassu in a curretta di u prima eserciziu più sopra. Tutti l'altri sò d'origine vegetale.

3/ Pane, **carne macinata o pullastru, casgiu**, insalata verde, pumata, cipolla, salsa, pomi/pomi fritti.

Sta robba a pruducenu agricoltori in Corsica.

4/ Oliu d'aliva / Alive, Farina castagnina/castagna, Vinu/uva, Pasta/granu, iaurtu/capra, Ovi/ghjallina, Salsa di pumate/pumata.

5/ Risu, Ananà, Cicculata, Banani. Dapoi l'anni 2000, ùn si ricaccia micca u sali in "a cità di u sali", Portivechju.